

Electronist da multimedia AFQ

Electronista da multimedia AFQ

Elektrotechnik, Informationstechnologie

Durada

4 onns

Terminaziun

Eidgenössisches
Fähigkeitszeugnis EFZ

Indicaziuns davart il salari

1. onn d'emprendissadi: CHF 600.-
2. onn d'emprendissadi: CHF 750.-
3. onn d'emprendissadi: CHF 950.-
4. onn d'emprendissadi: CHF 1200.-

Electronistas ed electronists da multimedia planiseschan, installeschan e programmeschan apparats e systems electronics. Quai èn per exempel apparats da televisiun, computers, systems da segirezza e raits da comunicaziun. Els reparan apparats e remplazzan parts ruttas. Ultra da quai cusseglian els la clientella pertutgant apparats e systems electronics.

Incumbensas

Accent tecnica da divertiment e da comunicaziun

- sviluppar apparats, indrizs e systems da multimedia uschia, che tals adempleschan ils basegns da la clientella
- stimar, quant temp e tge material che vegn duvrà, far offertas e planisar terminis
- preparar il material ed ils urdains
- controllar, programmar e parametrisar ils apparats, quai vul dir als adattar uschia, che lur andament po vegnir reglà correctamain
- enconuscher ed eliminar problems, cun agid da systems da mesiraziun u d'ina software da diagnosa ch'els collian cun l'apparat u cun il sistem
- reparar apparats da multimedia ruts, per exempel moniturs, autpledaders e computers
- esser en contact cun furniturs, per exempel empustar apparats u returnar apparats ruts cun garanzia

Accent indrizs d'emissiun, indrizs da retschaviment e raits da comunicaziun

- cussegliar la clientella sco er chapir ed elavurar ses giavischs
- reglar, installar, encablar correctamain ils apparats empustads e guardar, ch'els funcziuneschian ensemen cun auters apparats
- controllar, sche apparats novs u reparads funcziuneschan e nudar ils resultats

- declerar a la clientella, co ch'ils apparats e systems funcziuneschan e co ch'ella po spargnar energia
 - mantegnair apparats e systems, per exempel actualisar programs sin il smartphone u en la televisiun u nettegiar filters d'aria en apparats
 - barattar parts ruttas u apparats ruts
 - installar in apparat da substituziun per la clientella, per che l'apparat rut possa vegnir consegnà al lavuratori
-

Accent tecnica d'audio, da video e da segirezza

- planisar installaziuns, per exempel da systems da comunicaziun d'audio e da video en interpresas
- metter en funcziun systems u raits
- planisar colliaziuns d'internet e da televisiun d'edifizis e liquidar las lavurs ch'èn necessarias per quai

Ambient da lavur

Electronistas ed electronists da multimedia lavuran tut tenor accent en differents lieus, per exempel en manaschis cun in lavuratori da reparatura u en fatschentas spezializadas da multimedia. Ils apparats, las marcas ed ils systems technics, cun ils quals els lavuran, pon esser fitg differents. I dat lavurs ch'els ston liquidar sut squitsch da temp, per exempel sch'els ston eliminar in disturbi. Er ad occurrenzas u sin plazzals ston els savair ir enturn cun il squitsch da temp.

Electronistas ed electronists da multimedia chattan lavur en manaschis da la bransch da multimedia, tar interpresas per systems da segirezza u per systems da la comunicaziun audiovisuala, tar interpresas da raits da comunicaziun u er tar purschiders da streaming. Els pon er sa far independents e fundar in'atgna interpresa. En questa bransch sa sviluppan ils apparats svelt ed adina dapli tecnologias arrivan sin il martgà. Igl è impurtant, che las electronistas ed ils electronists da multimedia s'infurmeschian davart quests svilupps.

Pretensiuns e interess

Pretensiuns

- Abilitad da s'adattar a novas tecnologias
 - Chapientscha tecnica
 - Inschign manual
 - Moda da lavurar sistematica
 - Moda da lavurar conscienziusa ed exacta
 - Prontezza d'esser savens sin viadi
 - Plaschair da vender e da cussegljar
-

Interess

- S'occupar cun electricitad ed electronica

- Lavurar en moda exacta
- Experimentar, perscrutar
- Schliar incumbensas tecnicas

Scolaziun

Manaschis

En ina fatschenta spezialisada da multimedia u en ina interpresa da raits da communicaziun

Scola

1 fin 2 dis per emna en la scola professiunala spezialisada

Curs odaifer il manaschi

Emprender la lavur pratica, approfondar ed exercitar las basas professiunalas, 25 dis durant 4 onns.

Durada

4 onns

Accents

- Tecnica da divertiment e da communicaziun
- Indrizs d'emissiun, indrizs da retschaviment e raits da communicaziun
- Tecnica d'audio, da video e da segirezza

Cundiziuns d'admissiun

Terminà la scola obligatorica

Maturitad professiunala

En cas da fitg bunas prestaziuns da scola po vegnir frequentada la scola da maturitad professiunala durant la furmaziun da basa.

Electronist / Electronista da multimedia AFQ

Furmaziun cuntinuonta

Curs

Purschidas da scolas professiunalas spezialisadas e da scolas spezialisadas superiuras sco er da l'associaziun professiunala MMTS.

Examen professiunal (EP)

Cun attestat professiunal federal, per exempel:

- Electronist / Electronista da multimedia
- Tecnicist / Tecnicista da tun
- Tecnicist / Tecnicista audio-video
- Commerziant tecnic / Commerzianta tecnica

Examen professiunal superiur (EPS)

Per exempel manader / manadra dipl. dal servetsch tecnic / service u manader / manadra da facility management e maintenance cun diplom federal.

Scola spezialisada superiura (SSS)

Studis en secturs spezialisads parentads, per exempel tecnicist / tecnicista d'edifizis dipl. SSS, informaticher / informaticra dipl. SSS u electrotecnicist / electrotecnicista dipl. SSS.

Scola auta spezialisada (SAS)

Studis en secturs parentads, p.ex. bachelor of science en electrotecnica, en informatica, en telecomunicaziun u en mecatronica. Tut tenor la scola auta spezialisada valan differentas cundiziuns d'admissiun.

Professiuns sumegliantas

Ulteriuras infurmaziuns

Swissdoc Nummer

Center da furmaziun professiunala MMTS

<https://www.mmts.ch>

TODO

<https://www.becc.admin.ch/becc/public/bvz/beruf/show/47007?lang=de>